

泉州府志卷之三十一

名宦三

明

晉江縣知縣

徐瑛杭州人正統末知晉江縣廉慎寬平汀寇作亂寧陽侯統軍駐延平檄調晉江民兵瑛恐民心騷動躬詣軍門陳其利害得免及保定伯統軍至泉瑛從容酬應民無所擾邑人賴之

舊志

蔣濬字希舜新會人成化初知晉江縣莅官勤慎興賢禮

泉州府志

卷之三十一

名宦三

一

士重農勸耕聽訟公明獄非重犯悉遣之囹圄一清常祿外毫無所取均徭役平賦稅修隄防蓄水利積倉廩備器械凡輿梁廢墜莫不修治縣堂公館賢祠煥然更新秩滿陞漳州府同知民懷其惠爲立去思碑祀名宦

舊志參
願學稿

吳雲字民望華亭人成化十五年以監生知晉江縣居心寬厚行政平易有實惠及民不爲督責之治以邀名希世邑人戴德在任三年卒於官無遠近老少咸咨嗟痛悼謂天不相吾民也其子縉扶櫬歸預請蔡清爲之誌

節蔡文
莊舊集

鄭瓘番禺人景泰丙子舉人先授豐城縣成化宏治閒知
晉江縣邑多健訟前令罕滿秩者瓘平易廉恕推誠待
物民風丕變賊溫文進來寇府寮閉門震恐瓘帥師討
平之邑有六陡門障捍大江旋興旋毀瓘繕治有方民
蒙其利勒石紀功九載秩滿民詣闕再畱三年陞杭州
府通判

閩書叅廣
東通志

鄧怡字光德清江人由舉人宏治三年任晉江知縣才識
並優冰蘖自守其蒞政規模先定節目詳明而信以一

泉州府志

卷之三十一

名宦三

二

之有善必嘉有不善必懲令出而民趨之刑舉而民畏
之郡城歲前值災傾圯者十八九上官謀修之委怡督
理其事境內有永豐庄立陡門畜水所灌溉六里之田
數千頃頽壞歲久莫能修復怡毅然興舉不數月而竣
功二載以覲行蔡清爲文贈之

蔡文
莊文集

梁景行嘉靖閒知晉江縣大著循聲以艱去服除應天巡
撫吳廷舉薦其究心理學篤行古道居官馳良吏之譽
處鄉有儒者之風乞不次顯擢以勸賢者朝旨命吏部

召用之

閩
書

錢榘字世材號立齋山陰人嘉靖中以解元進士知晉江縣精練敏決用恩而不爲姑息用法而不爲刻深抑豪強而人無侵奪懲盜賊而人得安眠明而不以聰察爲訐潔而不以矯激拒人大造黃冊善搜積弊造謁賢士談經論文秋闈集士廨舍具餐三試作興之復延名師分詩書禮春秋四館以教士咸充然有得嘗因公至安平孝子黃裳偕諸生舉其母陳氏節孝榘曰勵風俗令職也卽出公帑建祠命里老督治旣成迎陳氏主及安平之節烈顯著者祀焉名曰九節祠後陞刑部主事閩書

泉州府志

卷之三十一

名宦三

三

參紫峯文集再徵堂集安平志

韓岳字魯淙餘姚人由進士嘉靖十一年知晉江縣進退有章容止可法爲政揭綱剔要窮冊弊均里輸皆可按而行之郡南六陡門被水衝壞親往課督重修民蒙其利時汀廣寇發岳條機宜數十策上之當路多見採行未朞年上官疊加旌獎秩滿擢御史去士民思之節再徵堂集

汪宗之號雙竹貴溪人由舉人嘉靖二十年知晉江縣明敏慎勤公平仁恕輕徭而省費訟簡而刑清絃歌之聲

作於學校冰雪之操詠於閭閻直指南湖徐公旌獎之

顧新山珀爲之序

節顧新山文集

宋大勺號仲石餘姚人由進士嘉靖二十四年知晉江縣下車祈雨雨應祈穀穀熟愛身潔已不以非禮自污與民接瀝腹披腎語盡而情忠不飾邊幅不徇文具無勾稽之擾而獄咸理嚴奢華之禁而用以舒懸蒲而民不忍欺囹圄空而民不敢犯殊鄉異域至越所部而求質成其爲政栗而溫寬厚而果確攬持風裁雖要津不避開導聽納則窮崖獲伸剗治盤錯斯迎刃立解至於輕徭

泉州府志

卷之三十一

名宦三

四

薄賦剔蠹窮源黜猾無不斂迹若其戴星出入退食夜分雖甚勤勞而不倦是以情僞畢照事體洞達司徒顧

珀爲序其德政

閩書彙編新山文集

朱綱字振甫曹縣人由進士嘉靖二十七年知晉江縣正身潔已推誠盡下小民疾苦皆得單詞詳達日與諸生講道論文士知其正直莫敢以私干者入覲不持一物秩滿擢監察御史累遷本省布政使

舊志

綱之選字舜臣常熟人嘉靖庚戌進士知晉江縣性聰敏善摘伏兩造片言而決允彊毅有執不爲權勢所撓監

司駐郡公費舊倚辦晉邑里甲稱累爲請七邑均之海
寇有警捐俸募死士躬自操練寇聞遁去自奉修約嘗
公出兩月餘計日蓄薪米衙戶封閉時進蔬肉則戶罅
閒一僮子尸之竟爲怨家所中調去士民畱其衣冠祠
之城東門外

舊志

盧仲佃字汝田東陽人嘉靖丙辰進士授晉江知縣爲政
務恤民隱建白興除可垂永久安平舊無城與鄉紳柯
實卿經營新築深滬烏潯二廵司城垣剝壞悉爲繕完
時倭寇猖獗軍興乏餉上司議弓兵加征洛橋置官權

泉州府志

卷之三十一

名宦三

五

稅再三申豁民甚德之以拾遺調福安令去陳牒挽畱
者數千人立祠二一在郡東郭一在安平城又祀名宦
舊志

志

譚啓字繼之號敬所大寧人嘉靖壬戌進士四十二年知
晉江縣節用愛民聽斷公平定催征爲十限使民得寬
其力郡人洪司寇朝選會督四川學啓試平等及至修
弟子禮甚恭後朝選爲巡撫勞堪誣害執送按察司獄
啓爲副使詣獄中謁之歎曰吾師被構吾不能救而
仕哉遂解綬歸士論益重之

舊志參
閩書

羅名士號春谷光州人嘉靖乙丑進士隆慶中任晉江知縣愷悌廉明銳意拊循小民議革夫保之編徵銀給驛官僱其各舖各村之夫悉編籍簿除縣印票外凡佐貳首領府縣房科不得擅役一人其省事便民類皆如此任九月以憂去民伐石刊頌記之

舊志

曾士楚號覺堂從化人由進士隆慶五年任晉江知縣潔已守官愛養黎民尤加意造士凡待奮黌宮與拔自鄉校者多爲所賞識斌斌然盛於往時擢監察御史去邑

人追思之

節三陵稿

泉州府志

卷之三十一

名宦三

六

彭國光江西九江府德化人由萬歷庚辰進士知晉江縣清修敏練事無巨細剖決如流舞文之吏怙貲之豪咸縮步捧心徵賦爲絜法鈞校之革除餘羨民以樂輸聽訟片言立折兩造咸服行學宮修古文拔士之秀者厲督教文學彬彬時有分巡僉事恣睢酷虐國光與郡守鄒墀以凝靜持之士民賴以帖席奉檄丈田止舍郊垌徒步阡陌稚叟咸得陳牒吐詞腴腴低昂犁然各當丈畢計溢額一千四百八十頃人或以爲苛瑕不掩瑜蓋廉能吏也擢戶科給事中歷官巡撫宣府僉都御史

舊志叅

梅谷集

鍾允復字大亨南宮人萬歷十四年知晉江縣古心古行
無赫赫稱而潔守淳政不以歲月程功暇進諸生論文
課藝惇惇訓誨掩惡揚善惟恐或傷士競自奮杰雋彬
彬丁艱歸歷南京禮部郎書

沈天啓崑山進士萬歷十七年由奉新令調知晉江縣瑰
偉精敏削牘若馳灼幽隱若照解夢應變不啻刃游而
矢決之春夏之交歲札穀沒民皇皇靡所乞糴亟上記
當事發庾儲貸濟之時雨再沛歲以豐稔政務寬惠引

泉州府志

卷之三十一

名宦三

七

大體被劾降調士民惜之

節梅
谷集

應朝卿字行叔號蘭臯臨海人萬歷己丑進士初授建安
縣十八年以賢能調知晉江愷悌明敏小民得盡其情
清節自勵不矜詞色征賦寧任拙不取贏治盜誅其魁
悉屏跡歲飢發廩捐餒多方賑恤災而不害積牘盈案
剖決無滯猾胥不得夤緣暇則引諸生誦說經學時務
士蒸蒸然奮未浹朞人歌曰我有蝨賊侯則息之我
有井邱侯則殖之又歌曰烏將雛吏畢逋懸冰壺樂華
胥擢御史蘇濬爲文送之歷官按察使

舊志叅三餘
集

徐兆鼎號羽蒼清遠人由舉人萬歷二十二年任晉江知縣下車首延薦紳文學及黨正游宗相與申命讀法衡其輕重值歲祲示民以相調相恤之義有粟者爭出其餘以佐賑輓輸相屬執經之士倒屣迎之民輸牒者丙夜削牘務求其當麗於法者反覆推訊不憚再三至求其生而不得猶愀然不懌以最薦陞大理寺評事節三餘集顧士琦字二韓太倉人萬歷戊戌進士二十九年由崇安令調知晉江縣不爲伉強開敏喜事好以一以豈弟爲政值旱蝗相繼極意拊循催科不事鞭朴與爲期會民

泉州府志

卷之三十一 名宦三

八

無逋者兩造之訟徐出片言輕者立遣重者量懲無株連亦無久繫校士嚴加防範邑無畱良卽在殼外者亦帖息無譁興一事必惟其終革一事必思其復居已於瘠而予民以肥居已於拙而予民以靜門無暮金吏皆奉法造請賢士大夫咨詢利弊不厭諄復秩滿念歲祲民艱於食報績獨遲陞禮部主事去士民建祠祀之節雲

臺藏藁

王繼賢長興進士萬歷三十三年知晉江縣延見紳士三老詢問閭閻利病色溫氣和兩造至庭稽顙聽詞務得其

情曲者據法懲之無劇咎盛怒人稱平恕夏旱徒步行
烈日中往還郊外靡神弗舉輟催科停獄訟迄澍雨應
禱始洗沐而休其剖析重案摘發巨奸務期詳慎不以
揮霍炫長甫及朞頌聲載道三載以覲行尚書黃鳳翔
序以送之

李待問字葵儒南海人萬歷甲辰進士時年甫二十歷知
連城沙縣著能聲三十五年調知晉江縣初至延訪縉
紳請益諏詢諸獄訟催科一切停寢閱月而後卽事及
披案牘臨兩造數行俱下剖決如流村無吠犬園無宿

泉州府志

卷之三十一

名宦三

九

繫吏曹作奸獵賄里正負固逋輸者按法治之請免雜
餉一千五百餘兩議以先儒羅從彥李侗二賢崇祀從
之除火耗均里役給賑憫獨遍沾禁假銀懲亡賴申約
束以訓愚民立保甲以稽鼠竊修葺城垣繕造橋梁勸
墾而地日闢課士則餼必豐惠政種種復捐俸買甘舍
頭後龜亭崎二處山塲以爲義塚邑人數百年無髑髏
之歎實受其德陞禮部主事歷吏部郎中應天巡撫戶
部侍郎尚書卒贈宮保謚忠定賜祭葬當去時邑人琢
石塑像於彌勒亭旁邑人史繼偕爲文以記乾隆十二

年邑令李元瑞新之乾隆二十年閒邑令干從濂推毀
彌勒佛像移祀待問于亭正中所著有史涉及詩文集
典銓總漕諸疏草子象蒙國子監博士象家內閣中書
象頤蔭生兵部司務孫錫瓚康熙甲子舉人曾孫紹祖
康熙丙子經魁任永新令

節廣東通志
叅雲臺藏藁

陳之清字澹夫號宜蘇江夏人由進士萬歷三十九年知
晉江縣明察本于忠信廉潔加以精勤邑賦多逋爲易
知單以便民里胥蠹絕民皆樂輸訟者授符令自勾攝
嚴其期會省其株連理枉伸冤扶弱蘇困久淹繁難之

泉州府志

卷之三十一 名宦三

十

案判決無遺市魁惡少藉援貴介捍網雄行爲引繩批
根三窟必窮一噸不假善類全而探九伏莽者屏跡尤
愛賢禮士孚迪卵翼備至陽鱗不得列於席邑故有權
稅自稅璫出而稅始重爲請蠲得減十之八佐修文
廟陂川澤繕津梁百廢舉旱澇爲災軫恤無遺力單
戶蒙惠而影冒者莫售其奸兼攝南安治一如晉割然
以解性恬淡無媒褻之御聲色之娛日坐堂皇陬澁村
鄙咸得輸其情民服其才感其德勒碑紀之

叅河

張履端號元思直隸進士萬歷閒任晉江知縣綜覈嚴明
吏事精悉時海氛不靖訛言煩興躬歷海澨嚴保甲之
約厲接濟之禁勾引諸奸立逮而置之法豪幹者繩以
威雖通顯不避寓撫字於催科總歲額而均通之權緩
急先後絜爲令舊逋則量其戶賦而輕重徵焉城鄉稱
便雞犬不驚嘗言若骹法以徇人如小民何人以為仁
人之言

節霞樓
藏藁

杜獻璠號雪樓華亭人萬歷乙酉順天舉人以漳郡同知
署晉江令視事僅六月遇邑有水旱之災釋訟寬徵卹

泉州府志

卷之三十一

名宦三

十一

民疾苦試士數千甲乙其文士論翕然廉平精明剖判
如流爰書立奏手中兩情輸服願質成者聽之贖金不
問去之日吏白有贏錢揮不顧貯庫中爲修治洛陽橋
之費衆紳士爲詩送之何喬遠李光縉各有碑序焉

叅景
璧集

嚴自完號心籛浙江進士萬歷閒任惠安知縣以才能調
晉江寬厚慈仁清淨不擾值邊事孔亟加派之令與自
完立限徵賦毋厭煩致期毋取辦視盈先後多寡任其
輸追呼不聞敲朴全弛而賦亦集聽訟兩造詳訊決法

平亭未嘗快行一意東濕吹毛良善得白奸宄意消辛酉分校棘闈所取士盡知名秩滿遷擢兩邑士民思之不置

節霞樓藏稿

薛邦瑞亳州人由進士天啓初任晉江知縣潔志銳治剔弊除奸復虛心俯從民便曰吾求無負於朝廷無愧于閭閻而已尤注意興教化厲文學六諭之頒申以約講勗諸生而分期課之精心殿最不共妍媸士民翕然化之

節霞樓藏稿

姚孫渠號石嶺桐城進士天啓閒由龍游縣令調知晉江

泉州府志

卷之三十一 名宦三

十一

下車卽有校文之役藜照一燃滄珠無遺所首拔旋獲雋邑當荒旱頻仍之後民困催科孫渠徵追不迫爲惠法中賦集而民不擾沿海迫饑寒者嘯聚剽掠鄉閭不遑寧居夙夜鞅掌爲固圉計編設保甲以防內閒環衛雉堞以壯外捍閭閻恃以無恐農安耕商安肆士民頌之

節霞樓藏稿

戈簡廣德人由進士天啓閒任晉江知縣飲冰茹蘖兩袖清風謂有用之學在於足民練兵得人造士縛嶺寇殲海鯨奸宄屏跡日與諸生談經論文多士感奮桃李成

行循良之聲播於四境

節節
堤集

晉江縣縣丞

陳敘字伯敦籍貫未詳正德閒任晉江縣丞十一年丙子

寇發延及廣浙二邊檄文武守臣禦之敘首先率士卒

擊輯衽戈賊平敘功獨偉學博王箴等暨紳士各贈以

詩李源爲之序

節再徵
堂集

林才傑字士英吳川人由監生嘉靖閒任晉江縣丞郡東

北畱公陂歲久傾圯太守屠倬相地度功於陂東復建

一陂與舊陂準命才傑董其役至則循行阡陌詢民疾

泉州府志

卷之三十一

名宦三

十三

苦獎勤警惰匪緩匪亟不十月而告成功民立石建祠

以祀太守並祀才傑

採汪頻
復碑記

羅汝燦號訥齋歸善人嘉靖閒任晉江縣丞嚴以律已敬

以奉上勞心撫字恪守憲典士民懷之

節顧新
山文集

鄧繼芳字思誠南豐人萬歷三十八年以恩貢生授晉江

縣丞值海寇衝突訓練征輸樓櫓器械皆取辦于芳事

輯而人弗擾卒于官晉人哀之爲立甘棠碑邑紳何燮

爲之傳

摘錄建
昌府志

王德明蒙城人萬歷末任晉江縣丞禮賢下士終日無倦

厭去官民閉城門板留之

閩書

晉江縣主簿

史孟常正統中任晉江主簿從知府熊尚初禦賊死難今

從祀熊尚初于衛民祠及五陵熊太守廟

閩書

謝濟字惟霖高安人天順閒任晉江縣主簿仁以存心公

以莅事經管稅糧禁胥役刁蹬留難稅足糧供贊襄邑

令政興務舉民心悅服上官亦器重之

節願學稿

鄧季綬南昌人正德中任晉江主簿前簿何讓大肆虐民

季綬至一以慈易爲治歲饑承檄閱視季綬報云當免

泉州府志

卷之三十一

名宦三

十四

全征尋以失實坐罪退悒悒不樂語其子曰二月賣絲

自忍心頭之痛官中飛雪誰知外邊之寒吾爲民役受

其直而不得事其事事之不如人意如此始信高士不

肯爲是官也姑黽勉數月俟來歲秩滿決去就陳琛爲

文贈之

閩書參陳紫峯文集

晉江縣巡檢

汪芳山成都人嘉靖閒任深滬巡檢戊午年倭賊由海登

岸度勢難敵密令民從小路逸走以身由大路逆之故

爲遲緩使民得以盡脫遂死之所全活萬餘命時五月

二十六日也民爲葬於本都勒石紀事卽上帝殿旁爲位以其死難之日祀之至今不衰

採本鄉碑誌

晉江縣教諭

王敬襄陽人洪武初爲晉江教諭有學行釐正學宮作新

士習

閩書

朱文簡字元可號墨溪樂清人爲諸生時郡太守稱爲當世人物正德六年由舉人授晉江教諭學行醇美克稱師道待士子有恩當道及泉大夫無不愛且敬者紫峯陳琛贈之序曰廉潔可以激貪仁厚可以敦薄真素可

泉州府志

卷之三十一

名宦三

十五

以入誠恬退可以止競而又耽書若炙好賢若渴達有深識洒無俗韻未滿秩陞增城知縣名廉吏以不能狗時好致仕去

舊志參閩書

李衡吉水人萬歷中以舉人任晉江教諭溫雅有文式誨

多士士翕然從之終大理寺評事

閩書

林騰鵠永安人萬歷二十二年任晉江教諭諸生贊餽一

槩峻卻曰官以教爲名豈以貨取集俊秀講業循循不倦言動具有矩矱陞王官去諸生思之立碑學宮祀名

宦

舊志

晉江縣訓導

黃袞字德章番禺人正德四年任晉江訓導與教諭朱文簡寅恭共濟接諸生以禮課文甲乙之靡不帖服補廩推貢按次報上靡所沾染李竹坡源稱其刮垢人才不落俗格

節再徵
堂集

霍球字廷獻號覺山南海人正德六年由舉人署晉江訓導性度夷坦行如其學每月按期課諸生以身率之經年不倦學美而文充道修而教成與士大夫相過從講學之外無他及嘗謂天下之士學博者不欠也識精者

泉州府志

卷之三十一

名宦三

六

不欠也才敏者不欠也惟夫器量宏遠千百中不一二焉人以爲自道其實云代巡督學屢核旌之未滿秩陞

湖廣武陵知縣

舊志參
荀江集

李一槪程鄉人萬歷末以貢士任晉江訓導慷慨高明學問淹貫卓然有志於聖賢之道

閩書

南安縣知縣

余慶字原善新會人永樂三年由監生知南安縣莅官革奸弊均徭役修縣治興學校奏免崩決海蕩浮糧一千二百餘石賠累獲甦流亡盡復秩滿去民遮道泣畱如

失父母舊志

鄒璉吉水人天順閒以進士知南安縣作新學宮官舍拓

治壇社坊額興脩水利雖坐累去官人無浮言閩書

張鐸博羅人知府津之父成化五年由監生知南安縣愛

民禮士守法奉公省冗費均徭役懲武斷猾吏無所容

奸民懷其德成化十年疏乞致仕届行民不忍別攀轅

遮畱鐸重違其意爲畱數月而去舊志

陳廷忠建德人成化十六年由監生知南安縣學識優長

操履剛方廉明果斷鋤強植弱初蒞任有畏其過嚴者

泉州府志

卷之三十一 名宦三

十七

久之吏民信服治譽昭彰值入覲士民合請蔡清爲序

以送其行謂風雪之厲實開陽春嚴正所以爲惠引子

太叔悔不用子產言以美之後回任以疾卒于官舊志

文莊
文集

黃濟字翊時臨川人宏治二年由進士知南安縣立興學

校增選生徒考校訓誨有冤獄立辨之縣屬四一都

濱海宣德後民逃過半戶不滿三十田地日荒鄰豪乘

閒兼併無輸之賦皆三十戶代賠濟招徠核實使逋民

無不復復無不田田無不賦賦無不均盡復其舊政平